

西
莊
始
存
稿

西莊始存稿卷十三

古今詩 閩嶠集

別曉徵

尋常無一日不見今朝分袂郵亭前半年小別萬里路回首國門翻惘然

送禮堂學士典試福建

嘉定

錢大昕

曉徵

玉尺頻煩大匠持八閩迢遞使車馳目空已盡驪黃種手植都成桃李枝朝望歐陽真學士文壇孟縣老宗師仙霞嶺上新秋色天遣留題絕

妙詞

過蘆溝橋

路滑泥融慢著鞭
槐花時候別幽燕
桑乾漲急聲如吼
僂指重過十二年

晚宿良鄉

固節亭邊驛路叉
卸裝又見雨如麻
今宵卻似西莊宿
茭白池頭閣閣蛙

琉璃河

巨馬分流遠翠圍
茫洋秋潦沒苔磯
綠楊出水高千尺
不見鴛鴦作隊飛

趙北口二首

直沽角淀綠授藍縷影華紋此匯涵幾隻漁舟楊
柳岸燕南風景似江南

十載重來繫馬時樹猶如此不勝悲赤闌干外波
如鏡照得勞人鬢幾絲

登嶠山

一峰不與衆峰羣石竅連延勢劃分拂蘚看碑聊
爾爾呼名宿鳥自云云松穿巖腹深遮寺澗絡林
腰滿貯雲山下郵亭多過客幾人來此送斜曛

雨不止雜題旅店壁四首

青駝寺畔雨泔泔艾子湖頭結暝陰廊下輿丁閑

絮語似聞前路更泥深

濕突無煙土竈傾野塘橋外少人行
油衫帶得熬陽雨已渡清沂尚未晴

埠下紅花作碎斑蹇驢蹩蹩雨淙潺
散鬢雲氣昏昏裏失卻峒嵒一角山

河隄高下走修蛇小驛鍾吾近水涯
雨過滿塍泥滑澆爬沙無數小蝦蟆

王家營

黃河北岸王家營家家編荻當門衡
酸風挾雨勢飄忽怒浪噴雪高崢嶸
役夫赤腳挽車去使者捕

蝗乘傳行我來欲渡不得渡箋天但乞明朝晴

召伯埭書觸目

延緣蓼岸插蘆簫晴日家家曬網喧潦退流民歸
舊戶板扉猶帶去年痕

風雨過潘葑

著雨油牕滴眼新峭寒時候水生鱗狂風吹墮緯
夫笠岸柳彎腰揖向人

舟次望亭枕上聞漁歌

拏音遙夜扣舷清欸乃伊鴉月底行莫怪擁衾頻
側耳六年不聽故鄉聲

許墅泊舟回憶庚午楚遊除夕風雪中宿
此恰十年矣

舟人笑語入姑胥夜柵茶檣布幔虛金虎舊愁談
越絕玉螺秋色眺秦餘最欣客路連鄉樹乍愛吳
羹得野蔬曾是阻風中酒地孤燈照影歲將除

夜過嘉禾

王江涇頭潮接天杉青閘外月娟娟空濛好片南
湖水汗腳何時蹋釣船

錢塘發舟即事二首

鳳山根下峭帆低漁浦空潭擊汰齊白塔朱欄迷

遠近綠榕烏桕亂東西
鴟夷事往還餘恨犀弩潮
迴自拍隄此去富春江郭好
風巖水穴遍攀躋
赤亭已過岸彎環回指西興
莽蒼間上水船迎三
疊浪中流人看兩邊山斜飛
片雨青蓑濕橫沒孤
雲白鳥閑千載登臨懷謝客
清溪一爲洗塵顏

富陽

山上危城山下江
白沙翠竹照船牕
長年招手遙
相語明日初程定進瀧

長山瀧

羣峰如旋螺螺頂勢相湊
一螺青未了一曲一螺

又浮空疊成堆濕黛畫難就亭亭鬟影低層層翠
屏皺舟行路屢窮回合迷左右帆轉峰每隨清溪
激湍漱人家縛荒茅三五住巖竇門前溪水喧屋
上山雲覆釣車閑獨輪磴舍承急溜梢梢鸞尾竹
戛天蒼玉瘦返景散煙霏寒綠上衣袖試拍銅斗
歌酌泉聊自侑

釣臺

孤亭隱喬木峭壁插深瀨披裘把釣竿狂奴有故
態江山勝如許名利何足愛帝腹雖可加濯足此
尤快後來方玄英清風亦超邁性癖佳句耽見客

惟三拜况聞慟哭人如意欲擊碎舉手攀冬青長
歌望關塞補唇吟愈苦啼髮心猶在寂寞荆荒祠
客星兩賢配我來問遺踪躡磴破蒼靄擣藥烏惺
惺壁潔雲靄霽斯人不可作雙臺空千載放眼倚
危闌置身已塵外

烏石灘

灘聲欲驅山山勢欲束灘水石本無情相觸因成
喧悠揚止復作決決還潺潺靜聽恍有會天籟非
人間梵唄流寒空風松響層巒有時急瀑來一瀉
雲濤翻不知水何猛磨得石盡圓磊磊錯鶩卵其

色黃朱殷或作太篆文或作古錦斑篙師與水鬪
舸舫泝驚湍石滑不受篙尺寸進轉難平生斂退
心葦間每延緣好語慰篙師且讓鄰舟先

鷓鴣灘

天勢圍諸嶺泉聲聚一灘雙臺過眼失百丈溯江
難竹影蕭蕭合松雲漠漠寒鷓鴣爾何物只爲得
魚歡

嚴州道中二首

千峰榭畔望谿衙落盡空林謝豹花十里行來人
割漆連村香透戶蒸茶亞城細路凹兼凸丁字寒

江曲又斜如許溪山誰管領只將佳處付漁家
越角吳根疊翠同此行看遍碧玲瓏數家雞太白
雲外盡日帆檣明鏡中危石峻嶒疑欲落戲魚唼
噉若浮空玉堂牕子當煙霧未抵扁舟一笛風

桐溪埠夜泊不寐

月黑風興夢不成桐君山下暮江清無情最是前
灘水一夜船頭響到明

蘭溪

女兒浦水似迴腸不送離愁向故鄉屈指柯山幾
時到前灘過盡後灘長

月夜泊龍游

激水彎彎素魄流
郵籤此夜記龍游
灘聲驚斷還家夢
不許行人不白頭

江郎山

江郎秀甲東南區
蒼雄奇峻清而腴
藏深伏隩闕幽勝
地僻終古誰爬梳
有如世外隱君子
遠離朝市潛蓬廬
天公好事欲洗刷
遣我拄策來追摹
太末城頭斧柯爛
煙嵐回首迷三衢
突星獅石並巉削
登登一徑穿篴輿
俄瞻佛嬴帝青現
蒼茫翠靄侵衣裾
翔鷗舞鳳羽翮奮
渴鰲怒鯨鬐鬣俱
岡巒

橫側各妍妙金光黛色齊紛敷就中一峰勢更斗
積鐵壁立愁猿狙凌空拔起五千仞旁無依倚孤
雲孤須臾擘開兩丫髻雲風對起雙吹噓峰迴路
轉態又變分作鐺腳交撐扶詭怪恍惚不可狀看
來面面形模殊共如劍鋸出稜角屹如筆架攢空
虛如翹瑤簪卓玉笏如插碧筍抽犀株如擎金盤
露指掌如排翠蓋翻芙蕖羅浮風雨乍離合荆巫
十二相縈紆池陽九華疊跗萼匡廬五老軒眉鬢
域中異境數不盡瑰瑋變幻茲寧輸山坳小憩靈
石廟斷砌翳蒼飛鼉鼉端然像設多好相雲璫霞

珮衣五銖傳聞江家三兄弟于此鍊魄同跼蹐功
成堅苦化三石乘風御氣三茅如只今空濛煙霧
窟瓊臺璇館仙所都雲中招手一回顧似叟非叟
姝非姝參差伯仲肩背接左提右挈山澤臞古苔
斜罨綴纓珞壽藤亂結垂珊瑚陽坡叢筠間秀木
清飈徐送吹笙竽瀑泉幽澗瀉盤石濺落匹練跳
千珠葦頤泱泱灌村疇竹筴裊裊通香厨人家寂
歷散高下架巖構壑勤耕耨日汲玉泓餐蛾綠所
恨生長不讀書我謂如許正不俗免教凡語名山
汙把茅蓋頂會有日谷可以退溪可愚仙壇閑把

落花掃不知仙翁許我無

蘇嶺草菴贈住持僧

幽篁不見天峻閣臨無地道人住此山日長惟打
睡

仙霞嶺

五里到嶺腳十里纔嶺腰三百六十盤盤盤上青
霄危峰插高空細棧緣秋毫前趾壓後頂首下尻
乃高崖傾礙飛鳥石滑逢墮樵登頓屢旋折謂已
窮山椒峰迴一仰睇絕頂仍迢迢振步攀其巔目
眩神爲搖一嶺植如蓋衆嶺羅周遭仄陰障羲娥

絕徑悲猿猱不知路何從但覺呀巖敷密箐叢修
修頰桐間紅蕉飛流挂木杪晴日舞素蛟茅菴嵌
青壁瞰臨萬丈坳俯窺落深井結構何由牢獨立
望歸雲天風颯颯飄飄

曉行度楓嶺

月色射茅屋風泉醒客眠四山一氣合行行入寒
煙昨日度仙霞危關矗半天徒御力已疲岡巒尚
連延大嶺脩而長小嶺尖而圓累累積灰樣蹙蹙
撒米然摺疊起波濤盤回奮蜿蜒林昏楓葉赤箐
密楓人懸瀑流出石罅濺碧鳴媧絃陰晴判半壑

閩浙分層巔無諸昔建國開鑿知何年
拖舟與輿轎始見淮南篇往者井蛙跳
此地列戍堅百年悉剷夷來往得安便
估客負茶薺耕農治礮田前山鷓鴣
叫亂雲窮無邊不雨衣自濕浮嵐靄
聯綿我行良鬱紆何時向平川

梨嶺

梨嶺連楓嶺行人生遠愁可憐嶺頭水
不肯向南流

漁梁旅舍見月

夢筆山頭月流光南浦橋江郎餘恨在何計不魂

銷

閩行雜詩八首

箭筈車箱不啻過軟輿層折上坡陀出關蠻語如
禽語夾路栽禾又割禾建水上游原最勝富沙奇
嶂豈嫌多錢鏗二子遙相待欲訪賓雲奈晚何
石角孤雲木末鐘早投破驛啓塵封佛桑燄燄幾
枝坼慈竹陰陰滿院濃僧解乞詩翻益俗客從過
嶺更添慵一上人語雞聲外蓑笠安閑愧老農
刺桐花底鷓鴣啼朶朶晴嵐面面溪茶熟筍香野
飯好蕉黃荔赤密林齊蜚天一雨雲如墨鳥路千

盤石作梯最喜回岡村舍見鳴關豚柵互高低
斗大孤城水石參建陽林壑路初諳尋山每愛登
雲谷結屋還聞榜晦菴羣玉鄉空誰遍訪麻沙書
在好窮探大賢心事占嘉遯千載餘徽仰道南
黯淡灘邊石有鱗浮橋鐵鎖倚重闌七星潭底深
難見雙劒空中合有神藏伏未能誇躍沿風濤如
許漫知津漁師不識龍蟠地閑坐溪頭理釣緡
爲避危灘就陸程卻欣傍岸聽灘聲悠揚仙梵空
中落莽蒼平沙萬馬行暗和霜林驚暮節靜參天
籟悟浮生今宵旅枕雙谿口拉颯風絃不住鳴

奇絕茶陽沸雪橋玉龍倒挂碎珠跳天瓢亂灑巖
花出山帶斜飛澗雨飄竹筧涓涓千頃注碓牀沓
沓獨輪搖灌園願學忘機叟自斲黃精一尺苗
山盡東南瘴霧收今朝水口水如油頻看下嶺重
登嶺幾度離舟又入舟長路六千搔短鬢淺灘三
百入深秋芋江屈曲行香篆遙見雄州漲海頭

釣龍臺

海上釣鰲手垂竿龍伯宮何如盤石上閑占一絲
風

九仙山

昔日九仙子同騎赤鯉魚
瑤笙有遺韻縹緲在空中
虛

螺女江

荔浦如漢渚榕城即洛濱
不知明月夜誰見弄珠
人

七塔

三山千簇寺七塔萬枝燈
欲覽海天濶須攀最上
層

吳淩雲中丞饒予西湖張樂設飲竟日并
以壽山田黄石及鼓山李陽冰篆書題名

拓本見貽走筆爲謝兼道別

福唐城中住兩月夢醒山雨聲涓涓乳蕉零落紫
蕉老蠻煙慘澹癡雲連黿峰烏石懶未上僕夫催
放津頭船中丞愛客集賓從遣騎相逐榕臺邊出
郭新晴海嶠出人家豐樂欣今年負鹽汲井溪女
開包飯趁墟阿囷顛呀然萬頃浸坤軸空濛三面
環淙潺蠓牆園開洗塵盆龍眼幹老搖便娟漢州
西湖創房相少陵野老曾洄沿後來杭潁亦清絕
白蘇相繼留詩篇閩王亂世盜魁耳遺上廢壘無
人憐當時疏鑿名偶襲漁樵指點還爭傳是時九

月秋色老一奩活碧澄淪漣旣鮮鳧翁鴨母占亦
少荷蔓菱絲牽水晶宮中信可樂孤亭無壁湖吞
天須臾行厨載酒至食單藉地羅長筵車螯點湯
凍膏碧髻鯊斫鱠銀鱗鮮騰觚滕爵已無算猶恐
不醉賓言旋情同湖水深不極天涯難得地主賢
酒闌擘袂不忍別篋出錦石疑瓊璇芙蓉峰頭稷
下產遼勝靈壁高青田崢嶸壓紐雜獅象磊落刻
印隨方圓少溫摩崖篆法妙未入歐趙當時編摩
掌翠墨古香在鸞飄鳳泊神明全歸舟得此良不
薄那用障簾裝金錢人生當著幾兩屐搏沙放手

忘前緣紅山橋畔一解纜回首樹影浮蒼煙水程
山驛自茲遠夢魂飛繞湖隄前

富春渚遇順風

一瞥樟亭失富陽定山樹色辨微茫帆欹柁側風
兼雨柳拜蘆鳴低復昂兩岸浪花如鷺白六和塔
影似針長天公略遣成豪語萬疊雲嵐過眼忙

重過釣臺題壁

渭水車同載淮陰將築壇斯翁終不出萬古一漁
竿

使旋蒙

恩給假歸省即事示徐蒼林范凌蒼諸殿掄吳藍
耕朱民初范紫庭倪端夔家耿仲諸子

仿佛恒河照影頻柴門鶯鳴鏡塘濱菊松繞徑欣
重數芋栗開園未厭貧久矣秋蓬成倦客偶然晝
錦詫比鄰他時定剪黃茅屋一卷農書夜火親

追懷學成上人

小寺雙扉蘸野陂嘗茶問法每忘疲斜陽亂葦相
尋處古佛昏燈共話時曾許塔銘猶欠汝所遺巾
拂竟歸誰依稀尊宿風規在皺面高顴白兩眉

毗陵喜晤歸翁即話別

燕吳七載兩相望西蠡湖頭願始償四海白鬢皆
弟輩三朝清句孰肩行潁陰自著歸田錄洛下新
營履道坊未許相從便終隱扁舟招悵更分張

西莊始存稿卷十四

古今詩 虛舟集

初入政府述懷

通籍纔看五載逾
絲綸閣下漫追趨

恩濃祇覺身難稱
才拙堪憐迹轉孤
篋有故書慙
享帚朝無棄物許
吹竽堂厨餐罷行
摩腹閑對空
牆樹影鋪

寄廷諤四首

破楚門西話濶
棕侵尋燕市又殘冬
暫同長枕原
竒福斗長霜毛是別容
丙舍松楸憑汝護
丁年弧

矢爲親慵子由四海殊堪念風雨中宵恨不逢
過庭

恩許一旬留旋遣趨朝動別愁歸喜鄉音爭入耳
去憐樹色屢迴頭夢中旅雁分形影客裏香醪少
勸酬何日收帆真到岸孤踪入海信沉浮

半生荼苦飽經嘗舉步人間小太行賣劍買牛久
有意毀車殺馬是何鄉緇塵自信衣難化黃妳回
思味頗長見卯計成須底物千頭柑橘百株桑
榆柳交簷水繞門團蕉小築愛江村比鄰鶯鴨應
常數近局漁樵好過存書帙勤將梅駝曬筍蹊牢

插棘針樊西莊新署耕夫號商略添茅老樹根

次韻四首

廷諤鶚起

京華數載抱離悰使節言旋序轉冬舍弟言歸
懷杜甫老親無恙慰茅容登樓春色長爲客聽
雨秋牕思轉慵何日草堂欣聚首對牀舊夢得
重逢

手校陳編數篋留開函還動遠人愁此行南北
違千里迴憶東西住兩頭科目郊祁嗟少匹文
章軾轍更難酬可憐叔仲長癡絕只與沙鷗共
泛浮

稱觴春酒喜同嘗
萊彩階前舞雁行
旋奉絲綸登畫舫
應憐踪跡滯江鄉
從知風雨中宵急
惟有池塘入夢長
握手虎嘯關外路
叮嚀藝黍更栽桑

市塵不到掩柴門
結屋西莊老樹村
翠葉沈郎錢自滿
黃花陶令徑還存
藏書先學除蟬法
藝圃應勞折柳樊
待得宦成謀共隱
春風點筆坐雲根

正月九日過來殷新寓時方喪偶出示近
詠奉簡四首

半截衲衲南半彎悶來聊復訪羈鰥吟身常帶三分病客况空羸一味閑說著討春渾不荅相邀泥飲輒先還怪他鄰里笙歌開偏到新正獨慘顏版扉深掩道南齋折腳鐺煨品字柴入戶塵痕多未掃見人淚點訝初揩交惟張丈殷兄狎白變陳三黃九佳讀罷沉吟轉惆悵卷中半是遣悲懷一室長齋繡佛前空奩零落夜飛蟬畫眉禿筆悲前事熨熱閑庭斷夙緣倩得少君徒設帳抱來紫玉只如煙憐予也有幽憂疾漫擬楊枝伴樂天衡宇相望即我邦喜看同譚換新腔鼓盆且莫哀

遺挂擊鉢還期共短釭上直無勞猶鎖印移居纔
定已糊牕愛河愁壘須降伏好學西江吸老龍

重過蘆溝橋

東風柳色禁城西倦僕扶攜上古隄無語自眠寒
蟬竦有情相送石狻猊玉堂咫尺天同遠綸閣依
稀夢轉迷漫向桑乾照孤影一鞭淒斷夕陽低

宿良鄉縣北五里岡窪村田家

土室啓蓬門村醪注瓦盆油燈寒失燄布被久無
溫客恨春衫淚鄉愁落月痕不眠仍起坐搔首憶
君恩

長信春詞

玉階春草色相見幾回榮
未得承雕輦還因雨露生

長信秋詞

丁丁宮漏長瑟瑟涼風峭
流螢似有情故向羅衣照

清明後一日同陳芳林江眉居蔣兼翊朱介裴步西郭外

一路錫香不禁煙右安門外草橋邊
蘆芽柳線江南路正好麗公上塚年

題廖楚崖吟稿六首

西江宗派溯黃陳
夜半傳衣孰替人
雒誦使君行卷罷
西山嵐翠潑吟身

六坊七堰紅欄里
二水三山白下門
吟遍斷煙殘照裏
客牕愁絕剪燈論

老去真看律漸深
七條絃上辨清琴
若教俗士論風格
那識陰何苦用心

五劇三條跨蹇行
拖筇剔蘚未忘情
選人幾輩來京輦
誰似君家句子清

清竒幽雋楊廷秀
確苦深嚴劉克莊
不薄今人還

愛古笑他張口說三唐

爛熟文章我厭看
論詩先要就高寒
集成帶得江湖氣
便覺風流異麤官

· 故妓

已成房老守空牀
剩粉遺鈿黯自傷
高髻難摹時世樣
長眉休羨少年妝
歌喉羞縮忘殘譜
羅袖薦乾失舊香
獨上高樓默惆悵
看他車馬鬧平康

· 病馬

千里俄驚一蹶危
創殘欹臥耳雙垂
漸消火印奚官棄
偷斲麻稽下駟嗤
骨帶銅聲雖自負
頭裝金

絡恐非宜九方若肯重廻盼可有驕嘶顧影時

過劉延清先生寓園

屋上流泉屋下平
瀑餘心迹果雙清
在公夙夜蒼生望
不用園題獨樂名

贈袁蕙纓二首

穆堂已逝望溪徂
海內文章孰我徒
喜見後來風格老
昂駒休逐水中鳬

束縛程書事可哀
因人短翮劇低摧
騾車一兩三千里
辛苦年年下第來

孟秋將陪祀

太廟先期齋宿光祿署旁僧舍題壁

廊舍蕭條接佛廬秋花繞砌矮牕虛無愁早自能
除酒有妄還嫌未廢書茗汁半盃澆飯後香煙一
穗陷灰初亂鴉翻樹昏鐘動斗覺新涼鬢髮疎

紙扇

披拂卻歎煩秋風換燠暄全身完潔白篋笥亦承
恩

梭拂

仗爾撲蚊蟲縱橫塵柄長驅除愁力倦挂壁待秋
霜

寄家懃思明府

一官身易退萬卷老猶披不插公府腳愛吟田舍
詩秋風動深澤連雨漲清濱拄頰西山外看雲獨
爾思

蛛網

跂脈延緣伏暝陰么膺何物具機心巧營牆角張
來密暗傍簷牙結得深戲蝶偶投希復脫飛蛾浪
撲輒遭擒長竿急爲除羅織解事兒童許遍尋

蟬琴

纔離糞壤集林顛便奏繁聲混七絃振羽高低調

短柱吟風斷續譜新篇鼓吹暗和羣蛙鬧幽咽遙
同落葉傳祇恐螳螂驚欲捕漫誇如沸夕陽邊

題芭蕉

幾葉纔抽扇影橫移來何處綠陰成江村燈火三
間屋長記破牕風雨聲

題顧吏部秋夜讀書圖四首

青燈有味記兒時回首恒沙照鬢絲休笑此間淡
生活同心喜見虎頭癡

藜牀竹几靜無塵積雨新涼最可人坐擁一編心
自足南山翠色正嶙峋

著書不必定名山十二街頭可閉關忙裏偷閑是
良計等他閑日幾時閑

養得天真適性情讀書真足了平生開函便覺心
神遠豈爲千秋萬歲名

陸宣公墓枯柏重青圖歌爲岡齡弟賦

延齡蠹國戕其根力傾梁棟投荒村忠州稿葬招
英魂蘇州歸骨齊女門豈知千年人勿誼愛及其
樹情彌敦過者羅拜傾芳樽枯枝何靈忽復繁應
是忠憤蟠煩冤一片生氣旋燠暄頓令朽蘖抽翠
痕吾弟筆力頗軒軒張噪雙管勢可吞懸之素壁

風雨翻孔明廟柏應同論延齡延齡爾何存蕭艾
那得摧蘭蓀

自題陸墓古柏

廷魁 岡齡

昔居齊女門曾謁先賢塚宣公此憑依荒郊羣
木拱蒼蒼一病柏枯幹似骨聳土人或觸之瞑
眩欲神悚憶公立朝時奏疏驚泉湧責難效唐
虞立議宗賈董孤忠明主賴正論姦邪詢貶謫
鈔方書避禍時震恐遺櫬忠州歸節烈江山重
正直與柏同道合若膠鞏近歲青銅根一朝發
故壘對待判死生孤高覆龍茸蛟龍仍屈蟠雲

煙常護擁

聖朝崇古賢修墓承

天寵知公靈爽存予心久推奉援筆寫虬枝墨酣
賈餘勇

西莊始存稿卷十四

西莊始存稿卷十五

古今詩 塞北集

恭和

御製八月十八日奉

皇太后木蘭行圍啓蹕作韻

化協虞廷格有苗塞山時狩刈管蕭問安扶輦

慈顏豫講藝陳師

祖烈昭回部執鞭環宿衛諸藩負弩拱中朝

時回部霍

集斯等及蒙古諸部落悉從

興桓左界遼濡曲萬仞岡頭看射

鵬

恭和

御製石槽行宮即事韻

辰旒纔駐憩松軒慶洽春迴黍谷溫一飯不忘惟
稽事

天顏有喜在煙村山迎彩仗添佳色川奉

安輿減漲痕欲識太平真氣象茅茨童叟各能言

十九日早行過懷柔縣晚宿密雲縣

侵星起結束霜露高凜秋樹羽殷原隰追趨敢遲
留鞍馬素非習常抱顛蹶憂惟當謹控勒不使脫
轡頭山缺孤城出小市人煙稠佳名今始稱絕域

咸懷柔前途疊坡壠行行入檀州回首紅螺山煙
嵐翦難收蒼蒼出稜角簇簇疑雕鏤倏奚信壯縣
埤現屹新修地險設障塞扼隘雄邊陲牙旗敵戎
幕畫角起戍樓宵分萬竈煙野宿森貔貅佇立望
塞垣山川莽悠悠

石匣營懷古

行經金溝淀始見石匣營舊館雖已廢依然置邊
城城西有奇石如匣營以名迢迢鮑丘水入塞流
洄滌水自西南注人向東北行緬懷王與富奉使
傳紀程六合今一家况茲猶戶庭遭逢信多幸持

素從前旌丈夫志四方出門萬里輕努力自勗勵
奚有兒女情

古壯口道中懷古

巉巉霧靈山決決廣礪水兩崖壁斗削萬丈潭無
底巨石漱急流轟飀復礪礪山腰一綫路偏仄劣
容軌萬騎來谷中旌旗暗靡靡人如銜尾鴉馬似
緣垤蟻磊磊山上松澗壑映清美黑峪連柳林紆
緬五十里邊牆因山築高下亘列雉德盛寧恃險
蜿蜒或半圯山坳聚村落淳樸俗可喜亭午始出
關豁眼蒼煙裏羣峰若波濤一伏又一起斜陽忽

明滅空翠凝暮紫鳴呼遼金來戰爭多故壘承平
餘墩堠詎曰武備弛涼亭空舊驛納鉢失遺址覽
古一披襟徘徊不能已

恭和

御製出古北口韻四首

留幹雙崖七校過雨師灑道作前訶

昨夜有雨

蒼煙紅

樹秋嵐外一線淙淙響白河

熙熙文軌萬方同重鎮雄關坦蕩中漫道邊牆古
設險任教耕牧上高墉

六穗兩岐信有與困箱露積滿田廬豐穰關外同

關內處處衢歌候

翠輿

七十二均太行脊冷陁遼碣信遙征黃圖已拓于
闔外茲地真如戶闥行

恭和

御製雨中塞上即事韻

平時宵旰情無已未雨望雨雨望止大有今逢銍
刈餘

宸遊撫景聊欣此廉纖作勢點點迎幕歷灑空陣
陣行谷簾澗穀方互映映琴水樂如載賡玉沙錦

石清無淖羽仗黃麾並前導濡水淙琤漲碧來林

林萬騎澄暉照今年送喜遍邊陲天心眷

德寧人爲葉爾盡聞甘澤沛

葉爾羌自古少雨今春霑足

花門

來睹合圍儀

回部郡王霍集斯伯克等自京扈從出塞哈薩克陪臣都勒特赫勒蘇爾

統亦將繼至

五風十雨氤氲狀餘潤還把征塵盪雨師

爲迓

法駕來特遣旌旒濯漑沆輕鞍穩勝百斛船濺瀑

懸流多壯觀

天葩灑落飛瓊屑細參一一皆元言

恭和

御製幸熱河山莊韻

蹕路快時晴
仙宮望水晶
林憑霧縠染
峰傍馬逢

迎豫順徵

慈慶豐登洽

睿情觀

光遵懿軌慰衆駐前旌
候較去年晚

每歲聖駕七月出口行

圖今年八月十五
十萬壽啓蹕稍遲

秋添一倍清
來朝俞騎動疊

翠記行程

恭和

御製熱河啓蹕幸木蘭作韻

秋穫全登坻與京

壽觴獻後問山程
九如天保孔之固
四牡車攻展也成
脫劒名王重譯至
執鞭侍子兩行迎
受降講武兼深意
羽獵寧徒一寄情

恭和

御製濟爾哈朗圖行宮韻

儉素渾如一畝宮
寧誇閣道與天通
林巒但愛秀而野
楹桷無勞錯且攻
筆架峰飛紅葉雨
安禪寺颭綵幡風
獵場此去途非遠
欸塞羣藩待會同

井

出山仍自潔能止不生波行帳資淘米渾時因汲多

菜

味帶土膏滑氣含風露香何鄉無此物翻向塞垣嘗

行帳夜坐有懷汪康古施鐵如湯孔茹盛
秦川朱伯承諸子

俗士如油膩著衣易染涅佳士如名香餘薰恒不
絕京華熱客多徵逐非所屑賴有素心子衣袂相
攬結粉坊連果巷衝泥兼踏雪跼然足音喜窺戶

一笑啞新篇。挾經心高。論得文訣。此味頗有餘未。
覺謫居劣。王程限于役。草草成小別。龍旗塞上雲。
關門倚帶嶼。短衣萬馬羣。歛爾電同掣。書生心膽。
壯。醉覺層冰裂。連朝大合圍。平蕪灑毛血。止頓憩。
甌廬。孤燭坐明滅。丁丁銀箭窮。宛宛玉鉤折。千里。
諸故人。相思感岐轍。國家告成功。雅頌待摩揭。奈。
何蕪廬中。藏伏盛才傑。弇山振長離。解谷挺直節。
慎勿老耕漁。區區抱孤子。

塞上重九

去年重九在閩南。蔗田荔浦開晴嵐。無諸城畔滄

波碧歐冶山頭霜葉酣今年重九在塞北白草黃
雲遍秋色漠漠陰山積雪飛茫茫瀚海堅冰坼絕
塞登高又一奇連營鼓角動旌麾躍馬橫穿射生
隊銜杯只少折花枝關塞迢迢南北路客中佳節
年年度故園兄弟插茱萸定應憶我題詩處

恭和

御製行圍韻二首

雉飛角角鹿甡甡表野萊田不動塵罕畢逶迤疑
曳霧旂旒周匝抵張圍龍沙以外皆靈囿虎旅之
中有遠人文武我

皇天授並雕弧御罷援毫頻

葉護來充鉤盾司材官敢後獻禽期武車正喜綏
旌合乾豆還兼饗客宜生擊黃獐牙已脫橫拖蒼
絺距安施

神謨偶寄三驅內萬里降番倍凜茲

恭和

御製塞山雪景韻四首

平蕪極望玉砂飄石作皴麻樹點椒最是荆關難
畫處一峰灑遍一峰消

犯兕葭蓬地効肥滋膏更愛六花飛瑤霧似逐風

毛下羽騎雲麾正合圍

輕輕未作封條樣剪剪纔分撒絮形帶得陽春寒
谷變多因紫塞

翠華停

批熊拉虎類驅羊命炙升觴有異香
盛烈已逾蔡州捷秋蒐講藝永無忘

恭和

御製雪中行圍韻

大漠高秋迴平沙急雪霏篩空裝樹巧舞密晃山
輝光借琬琰滯花兼芝蓋飛旆旌同照映組練變

珠璣積素先清道洗塵好合園玉驄蹄乍熱羽箭
影交輝縞色明行帳冰稜助凜威風毛偕霰集鮮
品得寒肥解網停霜仗回鑣度石扉何須歌折柳
慕義久同歸

恭和

御製哈薩克使臣入覲即命扈從行圍紀事韻

花門別部接康居厥角來庭隸版輿盧矢彤弓應
錫爾梯琛航賁實嘉予近光豈恤行重繭從狩欣

觀網設陸

帳殿割鮮還

賜食殽蒸燔炙和桃諸

詐馬行

國家考牧常孳繁白沙赤岸安足論
札薩之俗傳只孫走馬進宴明尊親
程材角力舊典存因彼風土宣威恩
高秋朔塞開和門奉觴恭鞫鞠脰頻
預儲駿足掄毛羣龍文虎脊錦繡屯
健兒跼蹐捷有神權奇倜儻能調馴
二十里外分行陳纏鬚結尾靜不紛
作氣蓄銳方逡巡連珠礮火響乍震
山鳴谷應相吐吞雷轟電掣空中聞
一馬脫手萬馬奔倏忽沛艾騰無垠
注坡躍澗超平原巨魚縱壑隼

入雲斷絃離柱箭出韃瞬息千里無難臻
刷燕秣越空云云三十六騎尤絕倫
當先得雋殊欣欣物怒未息猶軒軒

詔出內府賚便蕃佩

德齊挾春曦溫我

皇較武誌勿誼游藝亦寓綏懷勤汝曹
髫髻壯勇勳賞長大爲

國充屏藩况今赤汗來大宛郊藪會見行麒麟

什榜行

南山萬壽歌無疆北斗跪進流霞觴
名藩輸誠

帝嘉悅中筵敬起陳樂方音希節簡留淳樸不比
新聲競繁促什榜約略同十番吹出熙和太平曲
清笳徐引流霜空細管按拍偕雖雖箏琶間作悠
揚裏絃阮交鳴宛轉中歌詞彷彿意堪識海水難
量欽

帝德無虞無貳全樸忠不叛不侵効輔翼從來大
樂貴備陳明堂任昧誇前人我

皇功德邁今古寧徒奏樂追韶鈞中和萬國薰蒸
遍西極流沙胥革面况茲近屬被化深詠仁蹈德
真無倦聽樂堪徵蕃部情我

皇威烈被寰瀛微臣幸際

昌期盛小鳥還思叶鳳笙

相撲行

相撲之戲良近古名爲角觝實習武赳赳壯士誇
梟雄烏獲慶忌寧比數魁結單絞好裝束毒手老
拳分什伍一人攘臂昂然來一人竦立相支柱跳
踉乍作之而攫揮霍還成左右拒强者益奮弱不
甘互格交撐氣三鼓突焉批亢忽擣虛失勢一落
首爲俯

頒來法酒用旌良別遣翹材陳兀魯猛鷲雖同撲

法殊袒裼直前闕虢虎翩翩趨捷同都盧投擲盤
旋類超距一已顛踣一未休急騰而上猶餘怒伏
監其腦乃爲勝意氣昂藏勇可賈大官羊臠亟
命賜立飫何煩升折俎禁鬱快意恣屬餐食罷偃
僂仍拜舞自言準人凋敝餘此腹久負嗟終宴今
隸

天朝獲獻技十載長饑一朝補方知慕義悔不早
永備干掇歸

聖主

教馳行

生駒三歲馳以名庾人教馳傳遺經馬質職在綱
惡馬以索狎習令不驚牧師相沿古意失藩部控
御能專精高秋喜逐

翠華莅雲漿獻罷名王庭龍媒上駟競駢集一一
瑞應天房星拳毛玉花照夜種批竹削玉訾黃形
追風躡電滿山谷何人赤手施長纓諸藩子弟並
健者力搏雕虎飛猱輕尺箠持作胃馬索舉鞭擊
地霹靂鳴耳邊生風鼻出火疾馳徑縛何崢嶸麟
鬣鳳臆倚倔強煙鬃霧鬣驕猙獍逸足不肯受羈
勒張脉狡憤氣滿盈奇哉一躍遽就勒蹀躞不止

行驥駢圉人相顧齊動色從容回策真如縈大畜
童牛利用牯此馬亦惟教乃成牽來磊落連錢動
高蹄促腕兼方睛野心頓忘任驅策始知物貴因
其情剪馬曾聞賀六渾眼中部曲多豪英壯夫快
馬一心力驍騰萬里揚

皇靈

扈從雜詩八首

滿山落葉滿林煙莽莽高秋朔塞邊登頓千層出
深井夤緣一逕上青天鷹風雕霧開靈囿雁磧龍
沙盡甫田屬國橐韃從萬部長楊雲夢陋當年

甯沸灤源百道深五更舉火騎駸駸霜濃牛馬通
身白林凍烏鴉閉口喑列陣從容看表貉連營匝
匪有前禽草間狐兔何難盡解網由來識

聖心

鬢上冰凌乍結牢醉騎生馬氣偏豪蒲且養叔齊
抽箭宋鵲韓盧盡解縈校尉千羣羽林隊戎衣一
色赫連刀試升大阜驅僮俟得雋歡呼積獸高
健兒千二百人皆進哨先期奏綠牌圍緊圍寬分
什伍塲心塲面絡巖崖日占戌好前驅壯壯奉辰
多盛典諧幾度舐醵教試射東丹飛騎插鞞

天鷲罷捉海東青移帳玲瓏嶺外停鹿迹林中如
椀大虎嘯谷口逆風腥小侯簇簇團花襖衛士翻
翻孔雀翎橐筆持衣從後乘敢云石鼓草新銘
閃閃朱旂面日颺亭亭黃幄背風張儘容委珮趨
棕殿獨愧賡歌繼柏梁龍管鳳笙千品樂金蛆玉
蟻五雲漿無須劈正興隆列十里虹旂引

御香

列坐傳餐賦樂胥升觴命酌酒騰車興隆在鎬兼
瞻洛

恩倍賞花還釣魚潑乳茶芽凝露後堆盤橙甲摘

霜初儒生割肉叨榮甚陞楯諸郎悔不如

朔漠雲山接四樓興州嶢嶂入桓州蒿牆板屋遮
村暗椶葉樺皮架約浮點綴憑添烏拉代紆迴深
避塔兒頭侍臣欲續虞衡志風土從教篋底收

趙舍人夜過行帳

氈幄孤檠偶論文題襟此夕得同羣頻欣叔則山
相照頓使君苗硯欲焚宋體唐音定兼愛越吟吳
語好平分從來靜者心多妙試向毘耶證夙聞

次韻

武進趙翼 甌北

宋姚絳灌笑無文磨盾行穿萬馬羣獨振宗風

今有幾自慙少作久堪焚
鍼師門豈嫌人販鄰
女光應許我分卻喜結交從客裏
向來京洛斷知聞

贈倪袖湖同年二首

記唱句臚已七年萍浮蹤跡兩茫然
得參星罕覓旌末喜結聯牀
聽雨緣乞火分漿情懇款忘形感
舊語纏綿一規涼月周廬外
圍坐宵分燭影圓
得第渾如同隊魚人琴回首足欵欵
謂莊仲淳麻傾孰
爲扶蓬艾蛩鈍還欣倚駟驢
厚意似膠真愛汝苦言如藥願箴余
比來心迹君知否新懦全將舊猛

除

恭和

御製立冬韻

小春占有慶大化被無垠先甲新機啓

是日乘乾享未

布令勤祥風看協律瑞氣待書雲遠部傾葵意爭

同草木欣

恭和

御製題素尚齋韻

真面應從本色尋掃除藻繪

至人心飛來遠翠環仙苑悟透空香證佛襟皓月

孤雲澄止觀風簾水檻散清陰蕭閑十笏無多地
祇覺

淵懷高復深

虛船前輩同寓熱河見示長律三十韻次
和奉呈

扈遊經磧塞旋

蹕指灤河亂水逾伊遜層岡度博羅路迴穹覽見

寺在熱河北

嵐起磬椎多

峰以形似得名

艾帳收旌罕蘭綺傍

礪阿宮門開麗正

避暑山莊正南門名

朝彥集紳珂十里喧

成市千家迴倚坡剎竿搖寺影塹堵簇松科但得

巢安曉何妨角占蝸彎跼聊憩息蜨局任嘲訶前
輩瞻圭臬銓材仗錯磨趨班常接引並轡每娑拖
漫畫嗤無饗寒號喜且過數弓新僦賃三匝共枝
柯炊火歡僮僕衣包卸駱駝招呼容爾汝報謁少
誰何乞米通牆角分燈聚炕窩真疑偕蟄燕翻類
倦飛蛾疲馬同槽櫪嚴更互護呵嘯臺先得句斫
地亦成歌竊擬煩治點惟希審側頗元言參正始
妙理問禪那回憶初脂轄中田乍割禾秋冬移節
序書劒荆裝馱時泰人咸慶年豐氣轉和晴巒浮
疊髻淺泝蹙紋韡曲宴羣籓至衢謠萬姓哦諸公

都濟濟一老愛皤皤賤子原樗散詞源愧勺波寬
旌叨後乘霞錦羨飛梭他日還山約扁舟訪薜蘿
歸次石槽寄家人

來日秋纔半回程屆凜冬六旬沙塞盡三度缺蟾
逢馬首鳴枯葉牛欄吐遠峰金錢不用卜先具臘
醅濃